

退溪言行錄人

論人物
論科業
宋正學
雜記
延昌
孝行記

實記
通志
志事
公助
宋終
教文
徐文
獻議



退溪先生言行錄卷之五

類編

論人物

先生講尚書每讀蔡傳嘆味不已曰朱門傳道之人雖補勉齋為第一以集傳觀之九峰當為第一也勉齋著述未得多見不知所言所見能有過於此乎

李德私

崔應龍

字見叔

問邢怒得罪於師門而猶列於子弟何也先生曰所以警後世學者也和叔從西還甚久而一念不邪便為索

性小人學者可不懼哉

全誠一

問許魯齋出處先生曰丘瓊山輩皆誣事元之非但此時夷猶主華天理民彝典章文物絕滅殆盡天之生魯齋似非偶也

魯齋若獨善而果於忘世則天理誰明民彝誰正天下其終
為左衽而莫之救矣以愚觀之魯齋之為世而出似不害義
未知聖賢復生則其論如何耳 金誠一

問許魯齋於墓碣何不書其官爵耶曰此非平生所欲仕故也
又問若不欲仕則誰勸以強仕耶曰此必欲用夏癸夷以不能
成厥志而沒故耶曰是但今世之士例皆不務切己工夫徒
論賢賢吾不知也年少之輩於真西山許魯齋吳臨川鄭圃
隱吉冶隱皆議而非之夫西山賓師於東宮是豈濟王之臣
乎如此等事非吾之所能知也 李國弼

具思孟作四皓羽翼太子論質於先生先生批曰操縱開闔眼
高手亦高但此事亦甚有難處者自己默言之呂雉固漢室之

賊當時大惡未形高祖安得遂探其未至之禍而遽廢適立
康而可乎既立如意將何以處呂雉乎存之則無兩全之理
或廢或殺則非其罪此高帝之所以欲易而終不易非獨四
皓之力能回其意也但此是良平諸公之憂耳非紫芝翁軒
眉聳袂之秋也而輕此一著卒招杜牧之譏是可惜也篇中
譏四皓則是遂謂欲易太子為得計則似未安

見具思並八
谷集

問岳武穆以社稷為重則雖有班師之命自為表答而不奉詔
以扶社稷何如先生曰問命既死師猶被王次翁之奸誣况
終不班師是叛也尚何金虜之問罪哉

李國弼

嘗曰讀朱晦菴宿梅溪館詩竊怪胡澹菴之事及見朱子語類

記胡舊見李彌遜

字似

亦一好前輩謂胡曰人生亦不解事

事可補只做得一兩節好便好胡後來喪名失節亦未必非
斯言有以八之也此段尚面謂胡邦衡尚號為有知識云云
據此則邦衡晚節容有所失然豈至有貪生筮之甚耶殊不
可曉 李安道

問前朝王氏之後繼立者辛氏而鄭圃隱先生事之不去後雖
有功何足贖哉先生曰不然繼之者雖辛而王氏宗社未亡
故圃隱猶事之正如秦之呂晉之牛而綱目不斥言王遵之
流圃隱正得此義 李德弘

問奇公遵以李穡為倭佛妖妄之雄如此何曰雖如此既渠必
不得辭問先生在豐基上方伯書并論於鄭吉禹祭酒金佖
畢諸公如何曰彼時不曾商量今而思之果大謬佔畢亦只

是文章之士耳問太祖引見李穡穡以白衣長揖是大小
氣節曰固可尚亦是太祖包容有以致之耳

禹性傳

嘗言吾東方理學以鄭圃隱為祖而以金寒暄趙靜庵為首但
此三先生著述無徵今不考其所學之可淺深近見晦齋集
其所學之正所得之深殆近世為最也

禹性傳

隆慶元年丁卯秋 詔使翰林院檢討新安許國兵科給事中
洪都魏時亮來使我國問東方有能知孔孟心學箕子疇數
者否先生錄示高麗禹倬鄭夢周本朝金宏弼鄭汝昌趙光
祖尹祥李彥迪徐敬德等且書答曰吾東自箕子來封九疇
設教八條為治仁賢之化自應神明士之得心學明疇數必
有名世者矣四郡二府三國分爭干戈磨爛文籍散逸不惟

傳道之無人其前人姓名亦不可得而聞矣新羅統三為一
高麗五百餘年間世道向隆文風漸開士多遊學中原經籍
興行易亂為治慕夏變夷詩書之澤禮義之風箕疇遺俗猶
可漸復故吾東見稱為文獻之邦君子之國有由然矣然二
代之儒其歸重終在於言語文章之間逮于麗末程朱之書
稍稍東來故如禹倬鄭夢周之徒得以參究性理之說至于
國朝獲蒙 皇朝頒賜四書五經大全性理大全等書 國
朝設科取士又以通四書三經者得與其選由是士之誦習
無非孔孟程朱之言然而或習俗固循而不著不察或狂簡
斐然而不知所裁其中超然獨見慨然發憤而從事於聖賢
之學者往往有之而亦不多得

千人皆已往者耳

其見存者非所敢言也且是數子者生千載之後處窮海之
中不得親授受薰炙於聖賢之門謂之能傳心學固難矣然
其一生用力於此則豈不得為心學者之徒也歟若箕子洪
範朱蔡之說發明義理無餘蘊學而知之者固亦有焉其為
數則九峰內篇圖說見存苑洛子發明亦在於吾東未聞有
能明之者近世有李純者自謂能通其說而至著為註解亦
未知其果無謬否也

趙穰家藏
先生手筆

先生曰金伯舉非學問底人終身事業只在詞華上觀其文集
可知 金誠一

嘗曰寒暄先生之學既無著述又無文獻可徵之其造詣淺深
未可知也今川谷書院尊祀程朱而以寒暄配享恐配字之

義未可輕也文宣廟中只以顏曾思孟配享而其餘雖在十哲之科者皆稱殿內從祀程朱大賢猶列於兩廡而稱從祀以此觀之配與從字有間矣寒暄之學雖無愧於八廟只稱從祀而不稱配享可也又曰寒暄之學踐履雖篤而於道問學工夫恐有未盡也

金誠一

嘗曰趙靜庵天資信美而力學未充其所施為未免有過當處故終至於敗事若力學既充德器成就然後出而擔當世務則其所就未易量也

金誠一

又曰堯舜君民雖君子之志豈有不度時不量力而可以有為者哉已卯之失政坐此也當時趙靜庵則已覺其敗事頗自裁抑而諸人反以為非至欲倒戈相攻靜庵蓋無如何耳

金誠一

又曰嘗於 中廟謁聖望見靜庵步趨翼如儀表可象一見可知其為人也 金誠一

又曰趙元紀趙廣臨皆善人也靜庵家學淵源亦非偶然又曰吾東方不無道學之士而文獻無徵其所造淺深無從考見禹祭酒鄭圃隱則遠矣至於寒暄一蠹諸儒近在傳聞之世而亦不可尋其可歎也以可徵者而言之則近代晦齋之學甚正觀其所著文字皆自膏中流出理明義正渾然天成非

所造之深能如是乎

金誠一 趙元紀 趙廣臨 靜庵 從兄

嘗言某於靜庵行狀極言天資高處而其說學力處較少晦齋行狀極言學力深處而其說天資高處較輕 禹性傳

嘗問花潭之學先生曰觀其議論論氣則精到無餘而於理則

未甚透徹主氣太過或認氣為理然吾東方前此未有論著
至此者發明理氣始有此人耳但言語之際自負太過恐其
所得未深也花潭嘗著鬼神生死論貽朴希正民許太輝暉

諸人曰此論雖辭拙然見到千聖不盡傳之地頭可傳之後學附
諸性理卷末使華夷遠通知東方有學者出先生深不誦於
此言以為有誇大之病然甚重其人有人往松都讀書先生
與之詩云徐老今為鶴背身藏脩遺跡揔成陳何人為築花
潭院心緒相傳有幾人其拳拳如此鄭惟一

周公世鵬剗白雲洞書院後人欲配于院廟先生曰海州文憲書
院亦欲如此物議甚騰竟未之果俟是非之定為之似未晚
也且彼既立廟而以己配享則於其心安乎蓋周染跡於李

范之門其處身有大狼敗處先生此言實有微意金誠一

曰周慎齋能文章篤孝悌好賢樂士平生以清節自將雖貴顯清約如寒士其在經造隨事寓錄多所裨益然少肯鯁

屢經摧奸肯不免失節之議晚年多病不能退先生勸之不从清議惻惻惜之

曹南冥除丹城縣監辭不赴上書言時事至謂大王大妣不

過深宮一寡婦上大怒傳于政院曰觀植疏詞多有不恭

將欲深罪名之曰隱士故姑置不問搢紳皆以不得罪為幸

先生語人曰南冥雖以理學自負然直是奇士其議論識見

每以新奇為高務為驚世之論是真知道理者哉鄭惟一

先生見南冥疏語人曰凡章疏固貴於直言不避然須要委曲

宛轉使意直而語婉無過激不恭之病然後下不失臣子之

禮上不拂君上之意南冥之疏固今世所難得然言語過當

近於訕訐 人主見而宜怒也 鄭惟一

癸丑七月往拜先生先生以曹捷仲答書示余余曰此人歆慕有年以為學就德成今看此文字恐不免有氣上語先生曰然人多謂狷介高尚底人非學問上恁地做工夫故無進就

事業 洪仁祐

先生嘗曰洪應吉篤信力行之士也每屈車訪之論講義理竟日而返心服其人自謂得一益友未幾應吉遭父憂過哀得疾年才四十而卒家貧甚先生與同志之士共出力以助其喪嘗稱之曰其心常在於善不為外物所侵亂而今難得此等人又曰其學不能無差蓋深於數學而未精於理且多認氣為理之病然其篤信力行清脩苦節何處更得此人歎惜

久之鄭惟一

金河西晚年所見甚精論說義理平易明白先生甚稱之鄭惟一

先生嘗語人曰鄭靜而資品甚高識見超詣但於本原上踈漏耳及其卒聞以書與人曰靜而踈處太踈世俗所嗤點好處甚好吾輩所難得世以為名言鄭惟一

先生曰某人堅確某人英銳對曰此皆小子之所敬而其堅確近於固滯其英銳近於任氣先生笑而不答鄭士誠

先生曰金世純行高而學精吾目中未見其比爾與之從遊必取益也鄭士誠

先生與門人語及金芝山柳而見李宏仲曰金則質美而行篤

柳則才品甚高李則為人勤實而才分不足云鄭士誠

先生言今世好訟之弊仍舉盧士信事曰此人未知為何如人而亦有不易得者曾與人相訟彼知其將不勝哀乞於士信曰我之不勝固不足恨家無可供薪水者我其自此為賤人矣士信曰吾何以知君之至於此極乎郎斷置不復與訟云

金明一

與子寓書曰來時路由青松耶青松府使公久庵金非常人吾所敬畏汝須操心謁見凡所過皆當謹慎而此府尤所慎也書家

論科舉之弊

先生既讀朱子書遂刪節其要語為一帙今之印行朱書節要是也嘗曰聖學不過四書士之志學者舍是書何以哉但今

人非不讀之而只以帖誦決科為業於身心了不相聞陷溺
既久難以啓發若是書則既無其弊而讀之令人易以感發
興起故接引初學多以是書云 金誠一

六月謁先生請訓誨詩不許且曰身不行而口徒言寔余之所
愧也因曰頃報金秀卿書以士之為學豈不顧三釜五鼎之
養然有命焉不可必得故古人亦委諸命而姑脩其在我者
而已余保秀卿必無陷溺之弊然以此為心則不無心術之

病耳 趙穆

問掣於科目為學不專欲停科業先生曰此意甚好然亦非易
事昔蔡伯靜兄弟不事舉業專意學問卒傳家業為世大儒
如此則可也雖停舉業若無其實則濟得甚事卽將蔡氏行

狀以示之曰賢能如此用工否宜書一通常自觀省金誠一
問科業不進雖居泮亦無益欲留受業先生曰有父兄在何可
自專曰已得命矣先生帖曰此中士友多有不愆其工而僥
倖於一得甚不滿人意聞已停行且欲專意讀書深賀君請
於大人前也金誠一

士誠問治經為舉子業或無害於為學耶先生曰國家設科豈
欲士之不為學耶內外輕重自有分別若於此判斷得分明
則誦貫聖經獨非為學耶鄭士誠

待坐於書齋先生謂在座諸人曰儒家意味自別工文藝非儒
也取科第非儒也因歎曰世間許多英才混混俗學更有甚
人能擺脫得此科臼耶鄭士誠

李珣初及第承文院報以不恭先進見罷先生聞之曰侵戲新
來果為無理然既知其然而已八此路豈可獨免李君之事
未知緣何有此但後生中或有尚氣底人傲視先進而擅自
不聽非聽駁於見聞亦非義理之當然也禹性傳

問侵苦新來之弊何自而起先生曰未知何自若非胡風必是
衰世事也其禮種種戲侮侵苦之狀不可具言極無意謂必使
新進之士喪其禮義廉恥之心而莫之恤其有害於士風為
如何也自搢紳至胥吏皆不得存新來之名乃可革此弊至
於先後進相待之禮自有國典其間如有後進輕先進者
以公論糾彈可也禹性傳

先生授古文前集必遺真宗勸學文曰此書出於陳新安之撰

何以首此古人勸學之規本不如此是何用取利欲之說以勉

人乎

李德弘

崇正學

先生於異端如淫聲美色猶恐絕之不嚴嘗曰我欲看佛經以
覈其邪遁而恐如涉水者初欲試其淺深而竟有沒溺之虞
耳學者但當讀聖賢書知得盡信得及如異端文字全然不
知亦不妨也

金誠一

撰異學通錄自朱子以至元明道學之士言行散在諸書者皆
哀集無遺又錄陸氏支派使學者不惑於異端

金誠一

先生嘗謂中原學者皆帝蔥嶺氣味為跋白沙詩教辨陽明傳

習錄以聞之

金誠一曰：趙穆曰：白沙陽明其辭語皆不類程
朱門氣象微先生力辨幾乎惑亂人矣

德弘問今世誰能學問先生曰未易言也曰如奇高峰李龜巖

名積字剛而

者何如曰此人厚重近仁而循塗守轍必不失腳向

別處去但所見猶未能透得大綱領這可惜大凡世無功已根本上做工夫底人却有南冥唱南華之學蘇齋守象山之見甚可懼也不知高峰百尺竿頭更進就一步乎不然則陸氏之盛恐不獨於中原也

李德弘

先生之學一以朱子為的見人之尊陸學者必深排而痛絕之

盧蘇齋尊信困知記

明儒羅整庵欽順所著

頗甚先生以整庵之學自

謂闢異端而陽排陰助左遮右攔實程朱之罪人與蘇齋力辨之終不以為然獨奇高峰與大升先生合為作困知記跋以斥其學先生見之曰這議論極明快甚不易甚不易

全誠一

先生嘗曰南冥所見寶與莊周一串林公薰明葛來言於先生

曰南冥令弟子搬毀淫婦家甚不當莫如獨採我薇蕨也先

生曰此言甚當鄭惟一

嘗曰花潭門人推尊其師太高至此於橫渠若其著述不存不

曾考見固不知為何等人今花潭其著述存無一語無病痛

其人品學述只此可知瑞性傳

嘗曰我朝從祀之典多有未喻者如崔孤雲徒尚文章而諂佛

又甚每見集中佛疏等作未嘗不深惡而痛絕之也與享文

廟豈非辱先聖之甚乎又曰我朝四賢雖有功德至於從享

聖廟則未可輕議也時館學生上疏請從祀先生聞之終不

以為是全誠一

先生論說義理明白的當未嘗為幽深玄眇之言

鄭惟一

先生曰談命之事亦豈可謂無其理也但聖賢貴理而不貴數

惟理可為者盡力為之可矣若徒信數而已則禍福之來一

劫委之於數而無為善之心矣奚可也

金富倫

巫覡祈禱之事一劫嚴禁不接門庭

李德弘

嘗曰皇明學者大抵皆有葱嶺氣味獨薛文清真得聖賢宗旨

又曰文清之學平生用工都在敬字上

金誠一

先生少時遊清涼山作白雲菴記寺僧刊留菴壁先生晚乃聞

之即令去之山僧來請詩雖或不拒但寫煙霞水石之勝以

付之無一字及於僧家者晚年亦鮮有作

金誠一

問既思之事不能忘于心有滯累之病則惟能忘可以得之先

生曰固然但能忘近於習忘有差八處耳又問何以則能免
差八之病先生曰能於勿忘勿助有得則可免耳

李國弼

雜記

先生額角豐廣松齋竒愛之常呼曰廣額而不名焉

李安道名乙

瑞鴻

先生嘗於座隅壁上書樂天詩句曰抹煩莫如靜抹拙莫如勤

金富倫

先生於卜筮雖知其說亦不喜為之

李德私

先生雖文字言語之間未嘗為戲褻之語人有作太真送臨邛
道士還報唐天子詩欲課之先生批曰太真之事白樂天始
作備魚無迹極鋪張之大丈夫口中豈可狀出淫醜之語也

金誠一

先生性喜通明而惡障蔽至於樹木之類必令疏剝剪去不使

翳前 金誠一

先生嘗曰辭達意而已然學者不可不解文章若不解文章雖

粗知文字未能達意言辭 李德弘

為詩清嚴簡淡少嘗學杜詩晚喜晦菴詩往往調格如出一手

鄭惟一

先生筆法端勁雅重其大字亦方嚴整齊非如他名家者但尚

奇怪而已景福宮災其重新也 殿額門題皆用先生所書

上樑文亦先生所撰也 鄭惟一

先生雖偶書一字莫不整頓點畫字體方正端重雖偶吟一絕

一句一字必精思更定不輕示人

李德私

問天地日月之象一也而四海八荒之國各異其間災變之出各以其國之事獨見於方 乎抑一國有幸應見於天下乎曰災變固以其國之事應見於其國然他國亦豈可不恐懼脩省乎比如父母怒一子而譴責他子亦豈可以已不受責而安心乎其為戰恐自脩則一笑

金富倫

問潛邱舊諱猶可諱乎曰禮舊諱不諱

李國弼

先生曰川谷書院伊川先生祭文赫喧二字未穩當改下正大

字可也蓋畫像贊曰展也大成謚曰正公正大字尤著題

誠全

一

問花潭嘗言逐日夢見程子是如何先生曰逐日之說未可知

也病性傳

問欲使善畫者畫晦菴真於簇子時或出掛壁上觀感倣惕何如先生曰此等事何必問

李國弼

先生曰於長者之前稱我甚不穩當昔姓吳人每自稱我時人目之曰吳我或於官長前必稱小人亦甚無理某則平生未嘗稱小人也德弘問然則兀自稱如何曰古人自稱必舉其名然欲倣此也

李槐私

先生自言吾丙寅之行抵醴泉有陳族寡婦送一婢來言寢居累年無所依賴而家舍為隣人所爭今雖決給於已常納質布三千餘元官使臨門急於星火而家無一尺之儲願施德音以濟窮戚聞之心甚哀矜顧平日不欲以私撓公再拜揮

之既又息之彼之於我雖曰踈遠以祖先視之一般子孫也
豈敢我視若路人以實告太守太守乃盡除納布不知吾事
於義何如李德私

嘗言允自處太高或忌為推重他人皆無實得也若有些少實
得豈至如是禹性傳

戊辰秋先生承 召在京過冬兄子宏常在其傍先生責令下
去未嘗向人開一言所請而卒未七月宏有麒麟察訪之
除蓋嘗銓衡者追念先生遂官其子弟也具鳳齡

丙寅十月先生在溪堂作記夢詩手書與德弘其詩曰我夢尋
幽八洞天千巖萬壑開雲烟中有玉溪青如藍沂泗一棹神
飄然仰看山腰道人居竹穿紫翠如登虛迎人開戶一室清

臞仙出揖曳霞裾髻髻何年吾所遊壁上舊題留不留屋邊
剝木飛寒泉團團桂樹枝相樛同來二子顧且歎結柶永擬
遺塵絆忽然欠伸形邁邁鷄呼月在南窓半不數日先生忽
作月瀾之行二十四日也德弘與琴悌荀先往待之德弘從容
問曰前日先生教德弘以先立主宰而又以為惟敬可以立
主宰敬之為說多端如何可免忘助之病乎先生曰姑就整
齊嚴肅上做工夫不容尋覓不容安排浸潛義理之中則久
久而自然惺惺自然不容一物而忘助之病可免又問勿忘
勿助以參同契火法證之其說如何先生曰參同契煉丹火
候儘有妙法而卻難於吾輩工夫朱先生借明孟子養氣之
法然道家養丹吾輩養心妙法雖同而其實則異翌日陟朗

詠臺令僧負石作砌手撫稚松新剪冗枝夜作七臺詩

詩見文集

翌日朝德弘又質心經樂記禮樂不可斯須去身章至附註
言忠信行篤敬之說問心學以中心有一物為不可以至於
忠信篤敬卻要念念不忘少使之見其叁於前倚於衡不幾
於偏係乎先生曰先儒所以有孰不可著力又不可不著力
之訓也翌日又謂德弘曰昨日所論孰不可著力又不可不
著力之說不若伊川說非著意非不著意之為尤穩也翌日
先生又曰今之為父兄者每以講心經近思錄為非而訶責
子弟學者亦怵於時議貽講此學吾講心經不無未安之意
而不容舍吾學而別講他書也是日先生將歸扶杖下洞德
弘輩隨之上馬回顧曰何必下來蓋記夢之詩驗矣

李德弘

逡臣 啓辭

戊午頒議政沈連源大提學鄭士龍於 經逡合辭 啓曰李

滉經術文章無出其右者乞復召用然貧竊太甚在京不能

自存乞令該曹供給先生聞之上䟽備陳前後退去之意且

言其仕有五宜仍請致仕 上荅以手批曰今觀䟽辭備述

前後求退之意至陳五不宜牢執不來雖欲得人致治何能

奪其心乎予實寡昧不足與有為守道守義斷無來輔之意

予其赧然趙參贊士秀雅敬重先生語先生卿人曰景浩今

不來 上必重怒不可不來先生聞之語人曰 天意嚴峻

如是又有物議不得不赴九月至京師

鄭惟一

丁卯十月十七日

召封逡臣時以李滉退歸下

教書特

召上曰程朱之去其時人君不能待以至誠故小人譏間矣
若以至誠則豈有緣間乎奇大弁 啓曰伏承 聖教不勝
感激此一國臣民之福也但李滉曹植李恒皆七十之年也
如此日氣甚寒之時既有 召命必有憫迫惶急之患若以
在家調病為難而登途得病則亦有死於道路之患自 上
欲見之心雖切而待賢士所當從容寬假不可驅迫也承旨
李俊民南冥 啓曰李滉曹植則臣幸得見而知其賢李恒則
不及見然而當因朋輩亦聞其人矣李滉則地位甚高祖述
程朱故其所著述與程朱相近矣我國此等人絕稀其性恬退
自少不樂仕宦其心最為嚴高李恒則當初業武忘行之人
而悟而知學做得工夫其勇與古人何異閉門讀書德器亦

成見之儼然但武人初不讀書晚年知學故學問不能該通
矣曹植則氣質磊落壁立千仞可以激頑立懦而學問則有
不循規模之病矣一時賢者不一其人而如李恒則其尤也
日暖上來後引見則其人必有所陳達矣

堂后
日記

丁卯十月十三日朝讀執義竒大升 啓曰自己卯年南來

沈貞欺罔 中宗蒙蔽已極乙巳以後更無言是非者是非

不明則雖有好善之心何益之有頃日 下書于李滉使之

上來其人自少讀書當初見善人受罪故退去今則年已七

十且多疾病大槩見是非不明恥其隨行逐隊寧欲退處草

野也 新政招賢最善舉也然欲用賢人則不可不使是非

分明也

堂后
日記

戊辰正月二十七日畫讀玉堂卒應時進 啓曰臣見石質成

上疏則出於肝膈之誠少無矯之歸辭李滉平生之志溫恭

廉退豈以爵錄為榮哉自 上授之以高官大爵者尊德樂

意之美意也但李滉謙讓之心以為未安而不敢上來矣君

臣之間相與際會契合言聽計從為大若爵錄則非所先也

古人曰隆之以虛禮不若求之以實誠不須以高爵招之授

以間官俾適謙讓之心而更為 教書招之以誠則豈有不

來之理乎滉之不來只是不敢當而然也十年林下學問精

深去就出處何事不定於心乎固非虛讓之辭也自 上招

之不以爵而以誠則廉乎安上來若不煩以職事置之左右

則自然輔益

聖學成就

聖德矣

堂后日記

戊辰十二月六日

遙中奇大升

啓曰判府事李滉自

上

接待隆重大小欣喜禮貌之外貴於致誠賢者不以尊其身
聽其言而安其心必以虛已從諫好善廣聽盡擇芻蕘為深
安大樂 聖上於此人聽言優禮至矣但臨政處事必念此
事此人無乃不可於意否知學者得嚴師而省念則甚好矣
上曰此人比於古人則何等人耶比較論量亦甚未安而有
懷故問之大升對曰如臣愚見不得企而知之然年已七十
所見亦高而不主張已見年少所言亦必商量其觀古書小
無執滯篤信程朱之訓工夫純至古人則不可知也東方學
問之人自古及今未見其比所上疏章與程朱書無異其學
問工夫議論一一無可疑者李湛曰小臣於 中宗末年與

李滉同官與之交遊自少表裏如一近者沉潛學問久在林
下工夫篤實一以聖賢為法如此之人豈易得哉大升曰其
為德也謙恭遜順無一毫自足舍已從人令人敬服 經席

八侍時自 上講問道理則其於帝王之學豈無啓沃之益

湛曰文章道德可謂兩備自 上盡誠講問 聖學治道則

必有所益大升曰此人稟性疎淡自少恬退習與性成 聖

上若用之平生所學則豈不欲展布乎然汎禮遇使之悠悠死於

朝廷之上則深以棄平日學問為憫矣

堂后記

己巳三月十一日 傳曰夕玉堂持聖學十圖八對具思孟辛

應時趙廷機尹承吉洪渾八侍 上曰先講第六心統性情

圖似越序而乃一身切近處故欲先講論予固當發問然交

相講論甚好至於承旨注書史官並宜講論也講心統性情
圖訖 上曰予不能善問雖詳言而亦不解聽然非徒講此
而上後更從容每一番講一圖可也應時 啓曰 上教甚
當館中每校正講論一圖後 下問則好矣今此十圖李滉
欲以平生所學上補 聖學而如是成圖雖聖賢之言無不
裁制其積功精誠不真偶然若少留而親自陳 啓則可無
餘蘊不幸退去之速今雖校正豈無未盡處乎廷機曰李滉
在朝之時 下問則好矣而適屏風與貼丹不能趁速造八
以致未及講問不無餘恨矣彼無退去而常留念於是依此
用工則其補益之事豈偶然哉

堂后
日記

考終記

庚午十一月九日以時享上溫溪齋宿宗家始感寒病行祭時
奉饋導物猶親自為之氣益不平子弟等告曰氣候不平則
請勿祭祭曰余今老矣行祭之日不多不可不祭 李安道

十二日自是日家曆日記始絕筆至十五日益彌留奇明彥專
伴書問先生卧席修荅改致知格物說令子弟正書寄明彥
及鄭子中等處 李安道

十二月二日疾革進藥後命曰今日乃外舅忌日也勿用肉饌
李德私

三日痢泄益梅在其傍命移于他處曰於梅兄不潔心自未安
耳 李安道

同日證甚篤命子弟錄遷諸人書籍勿使遺失且命孫安道曰

前日所校慶州本心經為某人所借去汝可推還便送傳韓

參奉使之釐正板本中訛舛因可也

李安道公前此集慶陵

心經多舛誤請先生勘正至是冊
子在他未得附送故有是命本註

四日命兄子審書遺戒一毋用禮葬該曹循例請用必稱遺令

陳疏固辭一勿用油蜜果一勿用碑石只以小石書其前面

云退陶晚隱真城李公之墓其後惟略書鄉里世系志行出

處大槩如家禮中所云此事若托他人製述相知如奇高峰

必張皇無實之事以取笑於世故嘗欲自述所志先製銘文

其餘因循未畢草文藏在亂草中搜得用其銘可也一先世

碣銘未畢至此為終天之痛然諸事已具須稟於家門而刻

立為一人之觀聽四方環立汝之行喪非他例凡事必須多

問於人家鄉里門中幸多知禮有識之人廣詢博議庶幾宜

於今而不遽於古可也其餘處置家事數條

李安道曰時疾喘方劇至是脫

服差沉疴之去體寫畢親自一閱又命果封瘞署其後始聞喘息

李德私

是日午後欲見諸生子弟請止先生曰死生之際不可不見遂加上衣引語諸生曰平時以謬見與諸君終日講論是亦不

易事也 李德私

五日謂審曰臺諫所

啓今如何耶

時兩月方論

審曰猶不

允俞曰未知其終如何再三嘆之

李安道

七日命寂

先生

言于德私曰備司書籍德私聞命而退與同門

筮得謹卦君子有終之辭金公富倫等即掩卷失色 李德私

八日朝命灌盥梅是日晴酉初忽白雲全集宅上雪下寸許須

史先生命整卧席扶起而坐逝即雲散雪霽李德弘

是日酉時損館遠近相知者爭相匍匐來吊如恐不及雖未嘗
往來之人亦皆巷吊咨嗟以至愚氓賤隸莫不悲痛多有累
日不食肉者李安道

先生之喪握手用二是冬雲龍稟於先生答曰握手今人欲用
一而合兩手歛結以為象平時拱手之形可笑決不可用一
也用二便於裹結云云先生定論如此故遵用之柳雲龍

大歛設奠後主人以下各歸喪次不脫經帶門人李德弘曾稟
於先生故依行之柳雲龍

喪次方位不分東西南北前為南後為北左為東右為西門人
金隆曾聞於先生故依行之柳雲龍

先生遺戒不用油蜜果或以為俗弊膠固文為成習先生此戒
非徒為法於一家抑且矯弊於一世先生平日儉約清素凡
處豐溢若無所用今若一受人蜜果之奠後必濫觴不若並
與人之來奠者而不受以改俗弊而遵先生之意或以為勿
用云者只為一家言之豈謂人之來奠者乎人以誠意來奠
若以遺意拒之所以體先生平日待賓客之誠云云兩儀角
立鄭子中曾以是意稟於先生故只以家中不用來奠者皆
受之

柳雲龍

先生之喪門人金就礪著練布巾深衣平哭除之朴濟亦如之
李國弼亦著白巾其餘門生並以黑冠白衣帶從事金富弼
金富儀金富倫趙穆琴應夾琴應堦琴蘭秀等素帶素食過

小祥

柳雲龍公植積等終三年不與宴不八內

葬時

辛未三月

門人金就礪以禮葬加定官下來人謂就礪侍先生

最久不可謂不知先生者凡百葬事當務從謹嚴以副先生

之意其措事太張皇石人石床頗侈大望柱魄遊兩石越

國典而用之他籍石必用全石甯爭之不得揮泣曰叔父遺

戒吾所書也早知如此不若不戒之為愈也蓋就礪之意欲

因禮葬曲伸私情而不知其誤也

柳雲龍公龍礪董役時避日鋪磨于塘吹終日危坐

已過一月云

先生之喪求誌文於大提學朴淳辭未的確人皆以用之為難

趙穆金富倫等以為既請之不可不用反復商議書於題誌

官燔之其後禹性傳等極誌其不可用鄭惟一以為題誌官

既以王命書之若不用是棄上賜也且大提學士一國
斯文之領袖請其文而不用誰敢有代製者奇明彥雖欲製
之亦甚難便言於李奉化寓竟從可用之議李安道獨深恨
之初雲龍言於安道曰此文甚失正意於行積未得髣髴若
書於題誌官則不可改也不差於未書前定其不用議安道
然之而為羣議所沮之

柳雲龍公門下諸議畢竟不用朴淳
而撰文而改屬奇大非撰出矣

高峰所撰先生碣文中歲以後絕意外慕云者似未隱先生氣
稟穎悟天資篤實自少沈靜好學於勢利紛華泊如也何待
中歲以後乃絕意外慕耶且其意思似主於窮格論議處事
之間而於先生平日篤實踐履端的下工夫一事說得似未

親切趙穆

退溪先生言行錄卷之五

[illegible]

退溪先生言行錄卷之六

附錄

實記

門人金誠一撰

先生自少天資近道穎悟出人年甫就傳問理字於其叔父松齋竭不荅先生潛思久之曰事之是者否松齋竒之年十六七已志于學嘗過溪堂有詩曰露草天天繞水涯小塘清活淨無沙雲飛鳥過元相管只怕時時燕蹴波識者已知識趣之不凡平居未明起而盥櫛衣冠定省于母夫人怡愉恭謹未嘗有違羣居終日端坐衣帶必飭言行必謹人皆愛而敬之不敢以慢侮加之性簡淡寡言於名利紛華泊如也嘗欲廢舉子業為父兄所敦勸遂應舉登第未數月翰院薦時金安老當國素憚先

生其黨之在吾路者論以逆人之族見通

外舅權璜乃璜之兄

南東沈貞咄死安老因此擢之

安老敗始八

經幄立朝歛避聲勢雖知舊聞

未嘗僕僕往來公退必靜坐觀書不以職務倥偬自解嘗賜

暇東湖同僚多放達不羈日以觴詠諧謔為事先生獨端居歛

飭不習為俗所移人亦雅敬志操不以異已為嫌中廟末年

兩尹交搆自是不樂仕宦癸卯升疾還鄉甲辰被召還朝而

多告不仕已巳亂作與權勿丁熿輩同日削職為李苞之姪

元錄所救得解後苞怒元錄之貳已將加罪其兄元祥造門乞

哀苞不許曰李某之罪與逆類同科而元錄瞞我烏得無罪竟

竄之苞怒猶未忘噉持平李無疆劾之臺官有止之者遂寢乃

力求補外出守丹陽豐基二羣豐有白雲洞書院乃前守周世

鵬所狃也院事草創未完先生到郡留意興學凡所規畫咸盡其宜依白鹿洞故事轉達于朝 明宗特命賜額頒書遂為南方絃誦之地其郡清風灑然無一點私累遷家只有數擔行李而已至是筭精舍于溪上名曰寒拙及遷杜門讀書雖盛夏不輟壬子赴 召為大司成見學校不修風教頽靡庶幾作新士習乃通諭四學勉以古人為己之學時習俗已敗事無可為者遂病免自後雖有除拜未嘗供職長處散秩乙卯謝病遷鄉三月有 旨召且 賜食物乃上陳情疏不赴丙辰拜副提學連被 召命皆辭以病戊午秋疏陳五不宜仕 明宗怒御札甚峻不得已起入都陞工曹叅判累辭不許己未春乞暇遷鄉控辭益力乙丑始得 旨通職李樛用事欲搆禍士林以先生為

清議之首將加罪免謀未逞而敗 明廟末年權奸旣去善類
始登庸 下旨累召就除工曹判書大提學等職以促之在途
以求退得進辭小受大為辭稱病篤竟不拜 命而還時羣陰
雖解而 上心未定諸賢雖進而其舉措亦有不厭人心者先
生憂之曰己卯人材實非偶然而更張無漸激變召禍况今人
物眊眊然若妄有作為鮮不敗事云丁卯有製述官之 命始赴
召施遭 明廟之喪以五禮儀喪制多不倫欲依朱子君臣服
議奏酌更定禮官不從除禮曹判書不拜病免卽日南還時
山陵未畢人皆以退去為非義時相至此於山禽士人或以為
我疑其學門人奇大升昭書質之先生答書反覆數千言略曰
因山慘惻廡衛載臨百僚追攀普展哀痛病臣無路來依古寺

適得來書責以古義羞死何言某之處身難矣何也大愚也劇
病也虛名也 誤見也以大愚而欲實虛名則為妄作以劇病
而欲承 誤見則為無恥某之不樂仕常退身豈有他哉古之
君子明於進退之分者一事不放過小失官守則必奉身而坐
去彼其愛君之情必有所大不忍者然不以此而廢其去者豈
不以致身之地義有所不行則必退其身然後可以循其義當
此之時雖有不大不忍之情不得不屈於義所掩也為諸公盡
職 山陵情與義無盡固臣子之至願也如渥未竟 山陵屈
情以循義臣子不幸者之所處亦不得不如是也君親一體事
之如一惟其所至則致死焉然父子天屬就養無方君臣義合
就養有方無方者見常掩義無可去之時有方者義或奪見有

不得不去之處養生與送死其揆一也向使滉不計憂病長服
官政者則於是而誠無可去之道臣滉遭遇先大王廣度威
德優容其辭退得遂十六七年間間養之願則先大王固嘗
畜之以山野遠外之人不責其必死於輦轂之下明矣滉雖欲
循情晏義自失其身於去就死生之際有不可得而自輕者如
之何其不去也在諸公則進為義在滉則退為義不知公意於
此二者何是何非何取何舍毋惜有以辱教之云云觀此一書
可識其平生心事云今上初召命絡繹戊辰乃起應命先
生久係蒼生之望士林皆以其進退卜治亂聞其至朝野莫不
相慶而先生曾無久留之計有若無意於世者除大提學吏曹
判書右贊成皆辭以判中樞帶經還職名上六條疏聖學十圖

文昭殿之議欲正 太祖東向之位定昭穆南北之序為時相
所泥不果行當是時廟堂館閣動相矛盾情志言議之間漸成
睽轍由是朝廷不知上下否隔已已上章乞骸 上許之士林
咸惜其去爭欲留之不可得諸名士出送江上座中至有潸泣
咨嗟者先生雖浩然於去就而實有靈芝別席之感信宿江寺
有遲遲去國之意右相洪遵與書相別先生無他語只書尚憐
終南山回首清渭濱十字以寄之其退也 上引見問所欲言
其進言無非國家大計 上為之動容既退連上箋乞致仕不
許至其感疾 上馳醫診視未至而卒計聞 上震悼輟明三
日 贈領議政葬之加一等疾革遺命勿立碑只堅小石題曰
退陶晚隱真城李公之墓且戒辭禮葬蓋明其志也時士林倚

先生如泰山喬嶽聞其卒識與不識莫不嗟唏傷痛相與為泣而哭之近邑之人雖村翁野夫皆為之素食及葬遠近來會者數百人吾東方雖稱文獻之邦而道學不明人必賈賈自高鹿至本朝其中名世者無幾先生當已叩禍敗之餘上無師傅旁無友益超然獨得於聖賢之書中歲以後講學益專任道愈重為學工程一以朱子為的嘗得其書沈潛講磨積有年紀俯讀仰思至忘寢食於是晚然而悟沛然而行平生得力處多在此書試舉其學之大槩則主敬之工貫終始兼動靜而尤嚴於幽獨得肆之地窮理之功一體用該本末而深造於真知實得之境用工於日用語默之常致察乎幾微毫忽之間以平易明白為道而有人不及知之妙以謙虛退讓為德而有人不可踰之

實規模甚大寧學聖人而不至不欲以一善成名進脩甚勇寧
竭吾才而不逮未嘗以老病自懈循循有序無欲速急迫之病
默默加工有聞然日章之美博極羣聖之書而非言語文字之
末也說到正約之中而非幽深玄眇之旨也道已高矣望之若
未見德已尊矣歛然若無得存養日益純固踐履日加敦篤向
上之功進進不已至死如一日其篤信好學任重致遠如此其
可見之行則律已甚嚴淫樂隱禮不接於心術暴慢邪僻之氣
不設於身體所履者規矩準繩也雅言者道德仁義也居必整
衣冠尊瞻視或對客觀書或焚香靜坐終日欽欽未嘗見其惰
容沼家有法撫子孫以恩而導以義方御家_衆以寬而飭以謹
恪閨門內外怡愉肅穆無所作為而庶事自得其倫序家素清

窶所居僅蔽風雨飯蔬咬菜人所不堪而處之晏如祭先極其誠孝事兄極其愛敬敦睦宗族周恤孤窮其接人也恭而有禮其處已也約而盡道喜怒不形於外罵詈不及於人雖在蒼黃造次之間未嘗有疾言遽色嚴於義利之辨審於取舍之分別嫌明微一毫不放過苟非其義祿之以萬鍾不受也遺之以一芥不取也好善嫉惡出於天性見人善行則再三嘉獎必欲其成就聞人過失則反覆嗟惜必欲其遷改是故賢愚皆獲其益莫不慕而畏之惟恐不善之名聞其耳訓誨後學不厭不倦雖有疾恙不輟講論晚年築精舍于陶山之麓一室岑寂圖書滿壁日處其中兢存研索嘉遯晦養樂而忘憂人莫敢窺其所造之淺深但見其充積發越心廣體胖面晬背盎之實自有不可

掩者襟懷洞澈如秋月水壺氣象溫粹如精金美莊重如山嶽
靜玉深如淵泉端詳閑恭篤厚真純表裏如一物我無間瞻之
也儼然有可敬之儀刑卽之也溫然有可愛之容德雖頑夫狂
子望門而驕氣自消其末年之出蓋將為之兆也 講筵登對
疏劄陳論一以明聖學行王道為本雖與世齟齬柄鑒相反而
終不貶道以循人使之遭可為之時居可致之位得君而行道
則其事業豈止此而已哉嘗謂仕所以行道非所以干錄筮仕
四十年更歷 四朝而出處進退一循乎義義有平安則必奉
身而退如是者前後凡七度難進易退之操雖自謂賁育莫能
奪近世士大夫讀書則唯知決科之利而不知有聖賢之學居
官則唯知寵錄之榮而不知有恬退之節泯泯蚩蚩無恥無義

自先生之起為士大夫者始知所以為人之道不在彼而在此
間有聞風而興起雖時不過學不見試而功化之及物者已不
淺矣集大成於羣儒上以繼絕緒下以開來學孔孟程朱之道
燁然復明於使世求之東方箕子以後一人而已南冥曹植曰
斯人有王佐之學高峰竒大升曰其心如秋月寒水門人趙撝
曰其學得朱子嫡統世以為知言所著有理學通錄啓蒙傳疑
等書行于世學者尊為退溪先生

言行通述

門人鄭惟一撰

先生穎悟絕人天資近道自在幼時端重如成人早習學子業
不勞而能文譽日隆而先生自視欲如也以為此非足以盡為
人之道乃始反求於聖賢之學雖未見有名門之師謂道在六

經而其本俱於吾身八道之路則先儒論說皎若白日中天於是集思致力於格物致知誠意正心之地發憤忘食堅苦刻勵中因用力過苦遂致心恙保養既久工夫益力敬義夾持知行并進內外一致本末兼舉久之洞見大原心融而神會植立天本道高而德尊而斯道之統於是乎在矣若其用工次序則因先儒之說而究聖賢之旨因聖賢之旨而窮天地之理謹思明辨弗得弗指自夫一事一物之微以至天地萬物之變莫不窮之極其深析之極其精期必至於豁然貫通之地而又必以平易卑近明白切實者為之準則未嘗為玄眇之思索空蕩之議論也其所思而得之者不徒付之於空言要必反之於躬行即吾身心性情之中益加體驗踐履之功得寸守寸得尺守尺靜

而存養者日益審動而省察者日益審故存諸中者純固深厚
發於外者溫裕而剛毅蓋不急近功不計小效惟以遠大自期
積累為功是以先難後獲勿忘勿助正誼明道等語未嘗不為
學者丁寧為其可見之行則持已甚嚴非禮不行少時與諸友
會肄時文羣居甚敬終日端坐同遊之士畏而敬之雖私相戲
謔見先生至皆欽容改坐後在玉堂同僚或在傍喧笑而先生
觀書不輟默無一語同僚多愧而止之平居鵲鳴而起盥櫛衣
冠出就書室左右簡編俯讀仰思神疲氣倦則或拱手默坐或
瞑目少休未嘗偃卧枕席也天性簡默對客終日無一閑話誰
淡與人言息而後發雖在倉卒急遽之際未嘗有疾言遽色襟
懷灑落韻致清遠望之若不屑於人事而其條理之密節目之

詳則有不遺錙銖矣雖在紛華波蕩之中而所以自守者愈嚴
愈約雖在暗室屋漏之隱而所以自處者愈敬愈謹思慮之發
雖少必致其審事物之應雖細必求其當一酬酢之間心未嘗
放也一飲食之際體未嘗肆也坐必端直不少跛倚行必安徐
不少忙遽手不妄舉目不傲視頻歎勞困未見有怠惰之容應
酬稠沓未見有厭倦之色雖貴為卿相而衣冠安於麤惡飲食
極其疎淡於為義若趨嗜欲惟恐其不得於為利若湯火蹈惟
恐其不遠聞人之謗未嘗少辨不善加己直為受之書籍外泊
然無他好視外物無一撓其懷者酒量素寬中歲痛斷終身未
嘗至大醉其定力之固隨處而見者有如此莊正誠實虛明洞
澈不設畦畛不立崖坻寬而有制和不流嚴不至於猛簡不

至於傲好古而不太泥循俗而不苟同純粹溫潤如良金美玉
光明正大如青天白日猶且自視如常人自處如寒士歟烏惟
知其不足不見其有餘此所以日進無窮而卒能任重詣極者
也其待人無貴踐賢愚無不盡其禮客至雖微皆下階迎之未
嘗以德位而自尊也與人交初若淡而久益信人無不誠服而
心悅然自少不妄交遊其在京師公仕外嘗杜門不出雖同志
之人亦罕追隨視世之常逐於聲利紛華者如避冠盜若將浼
爲其居家家事不甚留意惟以節用戒家人務農勅奴僕而已
家法甚嚴閨門內外肅穆怡愉遇僮僕嚴而有恩仲兄察訪公
長先生數歲先生事之如嚴父至老不廢子弟有過未嘗嚴加
譴責但微示不平之意或略加戒勅之語而已家人不見有喜

愠之色不聞有恚詈之聲蓋天性然也惇陸宗族周窮恤患如
恐不及大夫人無恙時承顏順旨極其愛敬猶自以未盡事親
之道終身之恨為厚於奉先其宗姪為就田園久曠宗家家又
頽圯先生令改營損已資以助之且謀於宗族經營區畫為久
遠之圖既成令姪孫居之承祀事凡祭祀疾病非未嘗不與齊
必盡其誠祭必致其敬高曾營域在永嘉地時親往拜導為其
居官不為赫赫近名之行而理所宜為則勇往直前不撓不撓
在州郡以愛民為主而行之以誠心忠君憂國之念老而彌篤
雖退閒年久意未嘗不在 朝廷聞 朝廷舉措合理則喜見
于言施為失宜則憂形于色每以培養根本扶植士林為當今
急務戊辰八 朝知聖上有欲為之志慨然以格君心為已任

上六條疏請進講西銘又上聖學十圖惓惓以清源端本為先
上亦虛已以聽先生平日之學將有所施而未幾辭歸矣先生
本少宦情又見時事有大機闕自癸卯始決退休之志是時先
生年蓋四十三矣自是以後一意退歸雖累被 召還常不久
於朝晚年 命召愈勤控辭益力上自 朝廷下至草野無不
勸起而先生之志不能回矣先生出處內斷於心其出也非由
觀勉其去也不可挽留一視於義之當然以求吾心之所安而
已雅好佳山水中歲移居于退溪之上愛谷遂其林深水清石
潔也晚卜地於陶山之下洛水之上築室藏書植以花木鑿以
池塘遂改號陶翁蓋將為終老之所也 明廟間之密令礪城
尉宋寅訪求圖畫以進其辭受取予一決於義然駁俗絕物之

事亦不為也人以禮饋必受之受之必分諸隣里宗族之賓者
朝廷累有豆米之賜隨輒散盡未嘗蓄於家家用累屈時補
貧以繼之先生或不知也賓客之來不問貴賤盡其情款其教
人也先觀其志之所向莫不隨材授學而以立志為先為以已
謹獨變化氣質為工見學者志道誠篤則喜而勉進向學懈弛
則憂而激勵勤勤懇懇於提撕誘掖之間者一出於誠聞者亦
無不感而思奮矣先生道成德立若無待於人者而謙虛好問
不主先八勇於舍己樂於從人聞人一善若出諸己已有少失
雖鄙夫言之無不立改學者奉質疑問雖空空未嘗鄙外必毫
分縷析反覆告諭惟恐其不曉或有固執已見不從指諭者則
亦平心更思徐定其可否議論之際神閒氣定求其至當無間

彼已未嘗以己之長而輕人之短必己之是而斷人之非也至
於物格無極之釋則與奇明彥諸人論辨累年易簣前數月因
明彥之書始覺其誤遂從其說而著為定論其不偏主己見又
如此經傳子史靡不博觀然自少用力於四書五經而於四書
易經為尤深往往多背誦不差截於中夜起坐諷誦庸學心經
等書以為常謂經書辭釋多穿鑿訛謬失經旨而誤後學甚多
於是正其穿鑿定其訛謬有以還經傳舊旨復聖賢之意本意而
學者亦不為俗儒曲說所惑矣又謂數學非理外之書自癸丑
以後無沿數學謂朱子啓蒙一書乃數學之祖而多有未解處
玩索年多洞究其原乃著啓蒙授學者平生於殆無遺蘊晚年
多以啓蒙授學者平生於朱子書用工最深以朱子論學功要

之語多在於知舊問答書中而學者多患其汗漫是於取其尤
親切緊要者節約成書略加註解自是人知受用朱子書矣又
謂朱子伊洛淵源錄止於程門人自朱門以下以至於宋季元
明之世道學之士不為不多而無續而收之者史傳所載又多
闕略誠為後學之不幸乃裒集言行之散在諸書者為理學通
錄未及脫藁見明儒謝鐸所撰伊洛續錄謂其疎略未完遂畢
成其書而朱子以後諸子之學術有所考矣先生喜而詩樂觀
陶社詩晚年尤喜者朱子詩其詩初甚清麗旣而剪去華靡一
歸典實莊重簡淡自成一家為文本諸六經參之古文華實相
兼文質得中雄渾而典雅清健而和平要其歸則又粹然一出
於正筆法初踵晉法後又雜取衆體大抵以勁健方嚴為主人

得一字如寶百金詩文之美書法之妙舉世靡不師法亦可見
有德必有言通材無不能而此則先生之餘事爾烏足為先生
輕重哉初先生深自韜晦不以學問輕與人說故在當時人不
甚知其知之者或以詩人目之或指以為塵表之人而不知所
學之正所得之真有闇然日章之實也及夫退閑以來年益高
德益邵翫心益高明行道益親切自得者日益深從遊者日益
衆然後人始知東方有真儒出識與不識皆稱退溪先生云先
生處鄉黨恂恂不異於人而鄉人之善者慕其道不善者畏其
義凡有所為必曰先生以偽何如有所疑無不稟而決之敬之
如神明信之如蓍龜朝廷播神之賢草野韋布之士書疏往
來質疑問難者相繼而誠心敬服終始不忘者亦不為少凡有

議論稱出於先生則人皆信之無異辭及聞其卒遠近無不痛悼雖不見先生之面者亦數日不食肉太學諸生及四方之士爭來吊尊其盛德之感人亦不見矣先生生於東國學絕之後不由師承超然獨得其純粹之資精詣之見弘毅之守高明之學道積于一身而言垂于百代功光于先聖而澤流于後學則求之東方一人而已

遺事

李珥撰

先生性度溫醇粹然如玉志于聖理之學少以科第發身不樂仕宦乙巳之難李芑忌其名奏削官爵人多稱枉芑還奏復爵先生見羣奸執柄尤無立朝之意拜官多不就 明朝嘉其恬退累加其階以至資憲卜居于禮安之退溪因以自號衣食僅

足味於淡泊勢利紛華視之若浮雲然季年築室于陶山頗有
林泉之趣 明廟末召命累下固辭不至以招賢至以招賢不
至為題命近臣賦之又命畫工畫所居陶山為陶圖進之其景
慕如此先生之學義理密精一遵朱子之訓諸說之異同亦得
曲暢旁通而莫不折衷於朱子居閑處獨典墳之外他不挂懷
有時逍遙水石間吟咏性情以寓蕭散之興學者有問輒罄所
得亦不聚徒以師道自處也平居不務矜持若無甚異於人而
其於出處進退辭受取予之不敢分毫嗟過人有所遺非其義
終不取今 上初即位朝野頗望至治士論皆以為非先生不
能成就聖德 上意亦屬於先生先生見世衰俗末儒者難以
有為 上心求治不誠大臣又無學識無一可試故懇辭爵錄

期於必退既返陶山言不及時政輿情猶望其復起而先生遽
卒年七十朝野痛之計聞 上震悼 命贈領議政葬以一等
之禮子寓以遺言辭禮葬 朝廷不許太學諸生共具尊為文
往祭之先生雖無別著之書而議論之發揮聖謨闡揚賢訓者
多行於世 中廟末有花潭徐處士敬德亦以道學名世其論
多認氣為理先生病之為說以解之辭旨明達學者信服為先
生為世儒宗趙靜庵之後無與為此其才調氣局或不及靜庵
至於深究義理以盡精微則又非靜庵所及矣

行略

朴淳撰

道之不行也久矣况吾東方靡荒僻遠自箕子以後上下數千
年間雖為知道者有幾先生穎澈之資超然獨得於道編絕簡

之中其學主朱子之書莊誦精研一意下學寧茂毋深寧卑毋
高平實的當循循有序所謂自知致至於知止誠意至於平天
下灑掃應對至於窮理盡誠者此先生之所期而日勉乎長進
者也及操存益固識見愈高察明倫物渙然心釋而清明洞澈
表裏無雜泛應曲酬發必中節後學請益相與問答窮日不倦
其言以立志為先以謹獨為重教誨諄諄平易明白愛君憂國
出於至誠雖退處田野心未嘗不在 朝廷常以輔養君德鎮
定士林為務本先少宦情 中廟末年有大機關始決退休之
意自是不能久留於 朝廷而出處進退之義尤著於晚節隱
於大舅壁立千仞雖自謂賁育不能奪也初先生深自韜晦雖
專精學問而不發於言語文字至於朋友亦未知為道學之儒

也及其年益高德邵克養既久精華自炳其實自有不可掩者
然後學者翕然導師之其闡明正學開導後生使孔孟程朱之
道煥然復明於吾東方者惟先生一人而已

崇終獻議

隆慶庚午十二月二十六日夕謹洪聖民 啓曰近者國家不
幸幸大儒卒逝非但士林相吊自 上亦為痛傷聞訃之日贈
以領議政中外感激此人學問為東方宗師集大成之人也
經席所啓啓無非大人格君之言每每追念而力行之則此
人雖死其道則行也鄭琢曰東方學問之人雖或有之至於
造詣之精深踐履之純固則惟此一人而已其進退出處辭
受取予皆可為後人模範但遇 聖明以病退去屢煩 徵

召竟不能至於聽聞憂國之心未嘗頃刻忘也 上曰聞其有

病特令遺醫而亦未及救悼恨何極珣曰 上待大臣可謂

極盡而無欠闕矣然必用其道然後方盡待賢之道也

堂后日記

萬曆癸酉九月二十四日 傳教禮曹曰李滉著書片言隻字

皆可以傳後脫或散失滅泯必有後悔校書館印出

柳希春趙穆

辭職疏曰臣師臣李滉一生勤苦學問工夫老而益篤所得

瀛洛以來諸儒之正傳其發於詩文論辨者皆所以淑人之

心而扶世道承前聖而啓後蒙也身歿之後文多散逸其孫

安道哀粹未訖又知天殞本家無他子弟可以管此者其文

尚湮晦不傳於世臣竊痛閭閻謹與鄉中諸生彙校繕

寫臣若蒙 恩許進則未死之前庶遂此志云云

十一月二十四日憲府 啓曰 贈頌議政李滉篤信好學之

誠難進易退之節求諸古人罕有其比而又發揮義理羽翼

斯道之功實東方所未有也不待行狀欲速 賜謚公論之

發固非偶然請 命速施行以勵世道柳希春

二十六日憲府 啓 贈頒議政李滉篤信好學理明義精充

而為德行發而為事業扶植斯文維持吾道之功實吾東方
所未有也 廢崇之舉當卽斷自 聖衷而至於公論之發
反諉以有違恒規持難至此凡人議謚必待行狀者欲考其
人處心行事之蹟也李滉道德之盛昭如日星其亦有待於
行狀而為之耶同日諫院 啓李滉生百代之後挺不世之
資倡明絕學扶植斯文卓冠吾東方非近代諸儒所可及也
柳希春

同日朝講大司憲盧禎 啓曰李滉 賜謚事以舊規言之則
雖似必待行狀但滉之道德 聖鑑洞照特舉格外之典然

後四方有所激勸矣右相盧守慎進曰上心每以後弊為慮此則大大然也慎曰又上意不欲輕改舊規此固出於難慎之至意然人君行事必欲一一如此則四方風動之美今不可見矣叅贊官李珣啓曰上教雖當名賢行狀不可輕率而為之昔朱門高第不為不多而二十餘年之後行狀始出今若採取公論而謚之夫何不可古者賜謚必於葬時今則踰三年已久此所以汲汲也今既無撰行狀之人則當據臺諫公論而為謚而上之留難至於此極此於治亂安危所係不細伏願垂聽為侍讀官趙廷機啓曰言官累請賜謚而自上固守舊規殊無尊賢之意殊為未安檢討官金宇顥啓曰雖無行狀亦有朴淳所撰墓誌請據

此謚之珥曰恐有後弊云者臣竊未曉也今澣之賢自 上
親知之矣猶且留難至此士林皆缺望焉臣意士林缺望乃
有國之大憂也正言金誠一 啓曰國法必待行狀而制謚
者以其人之心術行事不盡顯著而然矣若如澣者其道德
行義出處大節如青天白日奴隸皆得以仰之豈待行狀而
後可知其為人哉必欲見誌者似以其人為有不可盡知之
處此則未安矣待大賢豈可以怕規乎 上曰雖欲速謚豈
可無行狀而為之乎珥曰自澣倡明道學之後學者始知為
儒之體厥功最大如鄭夢周雖理學之祖而觀圃隱集則不
可無疑至若澣之文集雖置之理學類編亦無愧焉又曰以
小臣之事言之 國法只許歸覲父母而臣曩者以外祖母

養育之恩疏請往見亦命許可如臣卑劣者 尚有不拘恒
規之 恩命况如況大賢乎又曰今日以此事士氣沮喪若
知其如斯則不如當初不發此論之為愈也此事只在一
下教之間臣未知其難也守慎曰若此而遂已則況終為無
謚之人矣字願曰苟以無行狀而終不 賜謚則時事可知
珥曰自 上例以常規為言臣恐國之大事去矣特進官成
世章 啓曰古人以行狀請謚而矣但出於一家之言文過
其實尚據以為謚矧乎一國之公論與其子孫粉飾之辭高
下固懸絕者乎珥曰世有非常之人當待以格外之事伏望
自 上斟酌此意守慎曰臣聞況家子孫終不欲請謚若無
特 賜之命恐無為謚之日矣子孫承其遺意孰不敢請而

在 上者有特 命之舉則上下之間皆為得體矣

堂后日記

三十日晝謹字願 啓曰自 上命賜李滉謚甚盛意也滉曾

進聖學十圖可見其學問之功乞於燕閑之暇特 賜觀省

而用力為則其人雖亡而其道則行豈勝幸甚

金宇顯記事

經

萬曆庚戌

光海二年

館學及八道儒生臺諫政府文章共請五賢臣

從祀六月一日兩司合啓等臣將五賢從祀一事伏閣籲呼

已踰旬月而 俞音尚闕不勝憫鬱為自在 先朝館學儒

生連章瀝血者今幾年乎蓋道學如天之有日星不明則將

無以扶國家精神命脉故先生深知道學之當尊公議之難

遏以待後日為教而今我聖上亦於三年之內答儒生疏曰

上下之間誠意既通則 先生未遑之典廣見舉行於今日

矣大胥慶翹首以待而聖批一向牢拒臣等竊惑焉從祀興
否於五賢臣學問功德固無損益而案報之舉尚關於拭目
之日豈匪明時之一大欠乎尊尚之得失而斯文之盛衰係
焉尤不可少緩請先正臣金宏弼鄭汝昌趙光祖李彦迪李
滉並命從祀文廟以答輿望答曰議大臣以啓時金弼
為憲長

七月十六日禮曹啓曰五賢從祀聖廟事問于大臣則完平府
院君李元翼以為臣於前日下問時已盡陳達唯在聖上斷
然行之伏惟上裁領議政李德馨以為吾東方道學自新羅
高麗以來罕見其人逮我聖朝始有五賢臣者出而瀛洛關
閩之遺緒大明于世其尊尚案報之舉當赴卽議施而遷延
至今寶聖世之闕典此士論之日激而國言之僉同也唯在

聖明斷然行之左議政李恒福以為五臣之事臣於榻前適承聖問已盡陳之今則士論已定國言已同所未行者只是聖上一言耳領中樞府事尹承勳清平府院君韓應寅以為五賢臣從祀一事士論已定國言亦同惟在聖上斷然行之右議政沈喜壽以為朝家大小論議豈無皂白之異同而至於五賢臣從祀孰有異議之人也宣祖大王崇儒重道之誠遠出尋常萬萬特命儒臣撰出儒先錄而常賜觀省大加歎賞則四賢之見過於異世者可謂至矣至於李滉則遭際先朝寂見尊信卽今見存之人亦多目覩後生未學雖未能測知其踐履造詣之何如而觀於律身行道之方著書立言之旨亦可驗其粹然一出於正有此五賢臣道德之

美學問之功而不得與於從祀之列未知何等人方則可得
以從祀乎竒自獻待罪禁府不敢獻議大臣之意如此敢啓
傳曰依議施行

禮曹又啓曰五賢從祀依議施行事判下舉國羣情積年願望
之舉始成於聖上嗣服之初中外相賀士氣百倍此實扶
世道挽回損至治之一大機會也臣等待罪典禮之地適逢
曠世之盛事懼所感激不知所達從祀之典今當急速舉行
第其節目未有考據之例以當別為祭文遣禮官致祭於其
家廟且設祭告由於文廟造位版分配於東西兩廡議大臣
定奪何如傳曰允禮曹啓曰議于大臣則完平府院君李元
翼左議政李恒福右議政沈喜壽以為遣官致祭且告聖廟

然矣從祀大禮古少可有考之文博考行之為宜領議政李
德馨領中樞府事尹承勲清平府院君韓應寅以為當此盛
禮應有遣官祭告之事惟在該曹博考古禮處之今此之舉
斯文盛事千載一時兩廡從祀之例有若馬融杜預等已被
中朝釐正貶黜之人猶且固舊襲謬尚未有處置則誠欠事
也依倣中朝成憲使耳目一新此亦其機宜令禮曹察而行
之大臣意如此敢啓傳曰知道令儒臣博考古禮舉行

教文

文廟從祀時中外頒教文

王若曰天之生大賢也不偶實係消長之機德必得常祀而無
疑宜舉集報之典茲用播告俾有依歸稽我東國之偏荒罕

傳正學之宗旨箕疇布教雖識禮義之方羅代蜚英未免麗
季千載僅見國隱一人洪惟 祖宗熙洽之辰允屬文明振
作之運有若金鄭趙李五臣者出真得濂洛關閩諸子之傳
格致誠正之工其揆一也讒諂媚嫉之輩誰使泰之窮通有
時縱負一世之屈是非自定何待百年而知惟混也遭遇

兩朝其志則挽回三代立言垂訓實是海東之考亭格非獻
規不愧河南之程氏肆並隆爵謚之贈顧未遑俎豆之儀在
正德紀元始有儒臣之陳請自 先生初眼屢見多士之抗
章惟其舉措之難輕豈云尊尚之不逮予纂緒恨至不同時
尚有典刑奈九原之難作其徒與享庠百世而為師爰荅四
十載顒望之情擬啓千萬世太平之業蓋有待而然也庸非

天而誰歟茲於本年九月初四日以贈議政府右議政文敬
公金弘弼贈議政府右議政文獻公鄭汝昌議政府領議政
文正公趙光祖贈議政府領議政文元公李彥迪贈議政府
領議政文純公李滉等五賢臣從祀于文廟之東西廡於戲
聳動觀聽作新氣像足邦大夫賢者孰無尚友之心吾黨小
子斐然永存矜式之地故茲教示想宜知悉

出鄭文獻
公實記

文廟從祀時家廟 賜祭教文

王若曰嗚呼我東雖僻小文不墜地道有所托粵自殷父師之
後綿綿延延羅時之藝文麗季之遺風彬彬可觀而至於嫡
統之傳則文忠以後繼之者無幾惟卿德器純粹襟量冲深
自其其髫髻之年已有任道之志沈潛紫陽之書平生得力

實在於此從事誠明絕其外慕根基既立操履益篤洞朗微
妙發越光輝遠究洙泗之緒近接洛閩而蔚然為世之真
儒始有依歸而朝野倚之為喬嶽矣昔在 先后之初年應
召命而來京 講筵三接懇懇誠正之說挽回一世庶幾清
明之理十圖之規開發前聖之妙粵六條之疏昭揭經邦之
至要真斯文之宗匠家國之著龜肆予小子纂承大業實有
無疆之恤思卿之道德而風采已邈然矣慨其不得與同時
徒切寤寐之想嗚呼卿既不可作矣念 先后之際會已配
卿於 大廟之享矣日者臺臣獻規韋布陳疏復有尊崇表
章之請可見人心秉彝好德所同而其遺風餘烈感心心目
愈甚非愈久而卿之深造精詣卓然為東方百世之師者其

能如此乎昔宋理宗慕性理之學興懷異代之賢若周若程
若朱若張悉尊尚之並陞祀於文廟之庭於是士論歸一道
說益闡南渡後甚盛舉也卿之所得之蘊實本於周程朱張
而予之尊尚之舉恐後於宋宗子實愧焉茲者吉蠲為禮從
祀卿於泮廟益與金鄭趙李四賢而同陞之新斯世之耳目
表吾道之正脉者其孰大於此乃遣禮官馳祭於卿之家廟
並論厥由卿其欽哉於戲有其德者有其享國家之報典當
然明斯道而倡來學萬代之瞻仰彌新故茲教示想宜知悉

宗廟配享時家廟 賜祭教文

王若曰喪畢三年方修升祔之禮澤流百世宜舉從享之儀茲
遣奉版之官用致引靈之尊惟卿精思實踐妙詣寤探繼往

開來可見平生之用力難進易退無愧古人之處身蔚為百
代之儒宗遂作四方之師表早膺中廟之眷逮受孝陵
之知況在先朝益荷異數八侍經幄責既重於賓師擢
為貢公誠固出於夢卜初服登對國是定而君德隆一登徑
歸吾道明而士習正論道統則允矣海東朱子論事功則賢
於國朝諸儒四十年韋布疏章每請配於文廟五百歲明良
際會先從祀於宗祊待賢何間於存亡揚處將見其盱衡
庶幾依神於周粟俾將侑坐於魯宮嗚呼乾淳典刑河嶽精
爽在後人高山仰止恨不同時配先王宗廟享之其克永
世故茲教示想宜知悉

祭文

李楨

惟我先生天挺聰明鍾祥毓秀集粹會精襟宇脫泥玉潔冰
清氣度全備春融秋肅行本孝悌學求精一無物不格無書
不讀句句研窮字字尋覈真積力久精義八神日月盈虛陰
陽屈伸灑掃之細綱常之極下學工程上達心法體用顯微
精粗本末冰釋的破融貫洞澈

又

蒼龜既失父母既歿龍虎亡亡景星沉光哀哀皇皇孰補其
闕赤子嗷嗷孰授其溺痠恆百出孰設嚴防長夜漫漫孰曝
秋陽繫公之生間氣所鍾溫然如玉有粹其容志貫曠日行
潔秋水樂善好義無間人已俛首下學妙思精研縷析毫分
洞見幽玄衆說泰差洪纖異宜折衷會一紫陽是師急流勇

退出鵬羣守道山樊富貴浮雲在邦必達休聲澈天宸
衷虛野 寵命輻翮幽居八圖高掛 紫闥 嗣聖繼明側
席如渴祥鳳來儀經幄生輝十圖啓沃探隱闡微輿望日隆
謙退愈畢三章辭闕浩然而歸惟進與退繫國安危寂寞之
濱有來樞衣微言昭揭耿光長新進不澤民退啓後人小子
失學賈賈迷方悍馬橫馳荆棘路荒回車改轍實賴啓發有
初鮮克哀我滅裂自擬負笈庶幾卒業天不憖遺哲人遽莠

又

柳雲龍

聖謨洋洋左圖右書仰息俯讀刃投游虛益見端的優八平
實循序而進不差毫末涵養之功造次顛沛肅然對越常日
不昧焚香危坐澹慮凝神提掇惺惺惟日新新照管動靜表

裏洞澈知行並進如鳥斯翼無微不寢無顯不格旁通曲暢
燭然龜卜畢以應物僉以處約虛以服義剛以制欲見惡如
臭聞善易色人倫之懿日用之常無細無大咸理之當勉勉
孜孜如恐不及積銖畜寸累歲計月及其養深展也大成施
於四體著於容聲謙恭敦厚冲淡簡潔豈第平易慈祥惻怛
妍照春輝清曝秋陽拱而徐趨鶴舞鸞翔休而燕息山峙梅
香阜之也溫望之也莊有而若無愚者效得集而不高見者
忘爵不間愚賢有問輒發竭其兩端提耳傾腹狂夫驕士靡
戾披猖一望門牆已自遜抑各充其心鄙吝氷釋不怒而威
為惡者飭不言而信為善而法

又

南致利

惟我先生氣鍾光岳質粹金玉紹千載緒開大東學春風座上秋月襟懷早退立園心興道偕仁必獲祐謂享耆壽何意終天止不踰矩

又

金晬

山林日長講學功深左圖右箴惟日欽欽持敬窮理二者不偏精思力踐兀兀窮年造詣既深所立卓然青天白日泰山喬嶽聖代真儒天民先覺布帛之文菽粟之味餘事心畫亦超晉魏猗歟先生間世挺生養深積厚展也大成聞風慕義樞衣自遠接之以和誨之不倦提撕教詔俾立根本循循有序發其蔽蒙精深浩博應對不窮

又

柳根

猗歟先生實天生德稟賦既異充養無缺質本溫恭尤加遜
志氣寶英敏益致虛已明誠兩進敬義偕立有事勿正萬飛
魚躍卽物推極牛毛蠶絲初終不紊鉅細靡遺資深行備業
廣基崇迨其大成所觸皆通謙虛純粹鎮密雍容聞義能遷
不獨安安晚得我所水抱山環師範尊嚴靈襟灑落憂時之
懇樂道之實並行無礙各止其則

又

李德弘

恭惟先生純粹之資和順之德程朱道學孔孟心法兩明進誠
交養性情表裏相維動靜俱正樂行憂違隨遇而安珠藏于
淵玉蘊于山濂溪光霽延平壺月茫茫墜緒不泯而得著龜
邦國山斗斯文一代所宗百世攸尊望門以趨多士濟濟進

之以禮勉之以序月瀾當日中夜獨起私適在座問敬字旨
曰正衣冠曰一思慮從事於斯賢聖可做息均父視禮闕猶
子誠乏築塲罪極天地春回溪上萬卉得時山梅吐哀澗柳
含悲

賜祭文

追補

維歲次癸丑

今年上

十二月戊申朔十七日甲子

國王遣臣弘文館副修撰鄭亨復諭祭于贈頌議政文純公李
況之靈於皇列祖敦教作人彬彬儒碩丕闡斯文東南講
道益多名賢巍然金鄭亦有文元國人攸式景行高山集厥
大成迺得卿烏猗卿盛德金鍊王純淵涵造極靜厚如坤具
茲衆美功則百千超然急流志厭駟軒兩朝虛佇舟楫巨
川抱吾遺經守道丘樊從容其中所委逢源紫陽全書尤所
仰鑽邈矣千祀所會者神匪直嘉惠寔惟素臣四七微蘊陳
王糾紛研思極辨毫縷必分反誠于身動中方圓醇粹積中
輝光著宣逍遙玩樂水智山仁攸然浴詠有扶童冠時雨布

Table with 15 columns and 15 rows of text. The text is written in vertical columns, reading from right to left. The characters are in a traditional Chinese script, likely from a historical document or a classical text. The table is enclosed in a black border.



